

Osiasë pënëntërinso'

Caniaritapon ninshitërinso'

1 ¹Piiri hui'nin Osiasëso', pënënto-na'pi ni'ton, israiro'sa pënënacaso marë' Yosëri anitotërin. Cota huënton israiro'sa ya'huëpique' Osiasë copirno'ton hua'anëntaso', anitotërin. Ina quëran Cotamo ya'huërë', hua'anëntaantarin. Ina piquëran Acasonta', hua'anëntaantarin. Ina quëran, Isiquiasënta hua'anëntaantarin. Inapita copirno'ro'sa Cota huëntonquë hua'anëntapona', Yosëri anitotërin. Coasë hui'nin Quiropoamonta', Israiro huëntonquë naporo tahuëri'sa copirno nisarín.

Osiasë sa'arin quëran, Siniorori israiro'sa ma'sona onpotacaso anitotërinso'

²Siniorori Osiasë ya'nana camaiapon: "Ya'ipi israiro'sa a'porahuatonaco, so'ina tēhuananpitopiso pochín nitërinaco. Napoaton quēmanta inapita a'chinta'huaso marë', a'nara sanapi maquë'. Ina masahuaton hui'nahanquë'. Inaso napoaponahuë', mananso piquëran tēhuananpitarinquën. Napoaton inaquë hui'nahanansopitaso': 'Monshihuantë sanapi hua'huinpita,' itapona',” itërin. ³Napotohuachina Osiasëso', Tiprain hui'nin Comiri itopiso' manin.

Comiriso hua'huanpachina, quēmapia'huaya huairin. ⁴Naporo' Siniorori Osiasë camaiaton: "Hui'nana hua'huatërinso', Quisiriro itëquë'. Co hua'quiya quëranhuë' Quio copirno Quisiriro ninanoquë pa'pi co noyahuë' nininso marë' shinpita ana'intarahüë.

Naporahuaton tahuëri nanihuachin, Israiro huëntonquë co huachi copirno'ro'sa hua'anëntapona'huë'. Ina tapon ina pochín hui'nana nohuitëquë'. ⁵Co hua'quiya quëranhuë' inimiconënpitari Israiro huënton minsëapona'. Quisiriro motopiana itopiquë minsërahuatona', a'na no'pa'pa' quëpona',” itërin.

⁶Comiri naquëranchin hua'huaantahuachina, sanapia'hua huairin. Naporo' Siniorori Osiasë camaiantaton: "Hui'nana hua'huatërinso', No-roama itëquë'. Israiro huënton co huachi nosoroapohüë'. Napoaton co huachi cha'ëtarinacohüë'. Ina tapon ina pochín inanta nohuitëquë'. ⁷Cota huëntonso napoaponahuë', nosoroarahuë. Cari chachin inapitaso', nicha'ësarahuë. Yosënënaco ni'to, topinan nicha'ësarahuë. Co ahüëtatona cha'ësapihuë'. Sahuëni, pë'chinan, cahuarioro'sa', sontaro'sa cahuarioquë pa'pisopita, co inapita nohuantarahuë',” itaantarín.

⁸⁻⁹No-roama a'potohuachina, Comiriso hua'huaantarín. Huaihuachina, quēmapia'hua niantarin: Naporo' Siniorori Osiasë camaiantarín: "Hui'nana hua'huatërinso', No-ami itëquë'. Canpitaso piyapinëhuëpitanquëma nipiramahuë', co huachi piyapinëhuëpitanquëmahüë'. Canta co huachi Yosënëmacohüë'. Ina tapon inanta', ina pochín nohuitëquë'.

¹⁰Napoaponahuë', a'na tahuëri israiro'saso notohuaro' na'apona'.

Marë yonsanquë inotëra'huaya ya'huërinso pochín na'apona'.

Co incari tēranta pichicaso'
nanitaponhuë'.
Iporaso' pēnēnatēnquēma sha'-
huitēranquēma':
'Canpitaso co piyapinėhuēpitan-
quēmahuë', itēranquēma'.
Naporoso nipirinhuë': 'Canpi-
taso hui'nahuēpitanquēma'.
Caso Yosēco nanpito napotaran-
quēma', itaranquēma'.

¹¹ Naporu tahuēri'sa Cota huēnton
israiro'saso',
a'napita israiro'sarē a'naíchín
hua'anēna ya'huētapona'.
Naquēranchín ya'huēpiquē
chachín ya'huēantapona'.
Naporahuaton notohuaro' na'a-
miatapona'.
Piyapinėhuēpita ya'huēpiquē
chachín acoantapo.
Piyapi iminēnquē sharo'sa sha'-
ninso pochín nitapo.
Quisiriro motopiana cari anoya-
taantahuato,
jina tahuēri pa'pi noya nisarin!

2 ¹ Naporu' canpitaso
israiro'sanquēma':
'Canpoaso' Yosē piyapinėpi-
tanpoa ninēhua', niitarama'.
Sanapi'santa': 'Yosē nosoroanta-
rinpoa', niitapi," itērin.

**Israiro'sa mamanshi
moshatona', monshihuantē
sanapi pochín cancantopiso'**

² Naquēranchín Siniorori
israiro'sa itaantapon:
"Israiro nacionso', sa'ahuē
pochín ninín.
Inapitaso napoaponahuë',
tēhuananpitatē pochín nitē-
rinaco.
Napotērinacoso marē' carinta',
inapita a'porahuë'.

Naporinso marē', hua'huinpitari
coisēquē quēpatona sha'huir-
rapiina'.

¡Ama huachi niminta paya
pochín nisáinsohuë'!

¡Ama huachi a'na a'na po'chin-
sohuë'!

³ Co'so' natētohuachínhuë',
sanapi noyá i'nanpiratahua-
tona

patopiso pochín canpita no'pa-
nēma nitarahuë'.

Ya'nan acoapo ya'huērinso
pochín acoarahuë'.

No'pa' yaniro nipachina,
sharo'sa i'sha pahuanín quēran
taquipiso pochín nitarahuë'.

⁴ Co huachi hua'huinpita tēranta
nosoroapohuë'.

Monshihuanárin quēran hua'-
huaninso marē' napotarahuë'.

⁵ Sanapi nitapihuachina, co tapa-
rohuanhuë' ninín:

'Amiconēhuēpita nicapo
pa'sarahuë'.

Inapitaso', coshoro', o'oi',
inapita quētērinaco.

A'moca'huaso marēnta', huaita,
rino pi'shi, inapita quētēri-
naco.

Toma', huino, inapitanta quētē-
rinaco,' tēnin.

Inapochachín israiro'santa
mamanshiro'sa moshatona',
co taparohuanhuë', nipi.

⁶ Ina sanapi pochín nipiso marē'
iranēna nahuanquē pa'copita-
rahuë'.

Naporahuaton pairaquē oncora-
piatē pochín nitarahuë'.

Ama iranēna quēnanacaiso
marēhuë', napotarahuë'.

⁷ So'in tēhuananpitē sanapiso',
monshinpita imarin.

- Inapochachin israiro'santa',
mamanshiro'sa chinotopi.
Inapita chinotopirihuë',
nohuantopisoso co quënanapihuë'.
- Yonipirihuë tëranta', co
quënanapihuë'.
- Naporo huachi monshihuantë
sanapi noya yonquiantaton:
'Ya'nán so'yatërahuëso chachin
tahuërëtaanta'i nipachin.
Inaro'coso', noya noya ya'huëá-
pirahuë', tapon.
- Inapochachin israiro'santa
nisapi.
- ⁸ Cari nosoroato trico, huino,
toma', inapita quëtërahuë.
Napotopirahuë, inapitaso co
yonquipihuë'.
- Prata, oro inapitanta ca
nohuanton na'con na'con
ya'huëtöpi.
- Napohuachinara, ina quëran
mamanshiro'sa nipitërapí.
- ⁹ Napopiso marë' carinta', trico,
huino, inapita quëtërahuëso',
matatë pochin nitarahuë.
Inapita macacaso tahuëri'sa
nanipirihuë',
ca nohuanton co huachi maca-
ponahuë'.
- A'nantatona a'mocaiso marënta',
rino pi'shi, huaita, inapita quë-
tërahuë.
- Inapotopirahuë', mataantapo.
- ¹⁰ Monshihuantë sanapiso', so'ini
ana'intërin.
- Ana'intaton monshinpita ni'to-
nënquë a'morinsö matërin.
- Inapotaton, atapanin.
- Inapochachin carinta', israiro'sa
atapanarahuë.
- Mamanshi camayo naciono'sa
ni'tonënaquë atapanarahuë.
- Co incari tëranta ana'intërahuë
quëran nicha'ësarinhüë'.
- ¹¹ Inapotohuato, co huachi noya
ancantacaiso ya'huëapon-
huë'.
- Co ma'sha pita tëranta na'huë-
caiso ya'huëaponhuë'.
- Yoquia'huarai' pitaro'saquë
tëranta co huachi niyontoan-
pihuë'.
- Co sahuatoquë tëranta niyon-
toantaponahuë'.
- ¹² Monshihuantë sanapiso',
monshinpitarë' po'ninsö marë'
ma'sha quëtöpi.
- Inapochachin israiro'santa':
'Mamanshi catahuarincoi
ni'ton,
oparoro'sa', iquiraroro'sa',
inapita noya noya ya'huëtë-
rincoi,' toconpi.
- Napopiso marë' ina oparoro'sa',
iquiraroro'sa', inapita, ata-
huantarahuë.
- Tanan ma'sharo'sari pë'yapon.
Ina no'paro'santa', pacanano'sa
atarantapo.
- ¹³ Mamanshiro'sa moshacaiso
marë'
yonarin pochin nininsö' hua'qui
a'pëpi.
- Inapopiso marë' ana'intarahuë.
Naporo tahuëri'sa inapita
moshacaiso marë' nitapa-
tona',
miyosáchin, po'moitërasáchin
niconpi.
- Inapoatona', caso naniantëri-
naco.
- Ca Sinioroco sha'huitaran-
quëma'.
- ¹⁴ Inapotopiriacohüë',
nanon nohuantohuachinara
noyasha nontopiso pochin,

israiro'santa nitarahuë.
 Inotëro parti quëparëso pochin
 nitarahuë.
 Inaquë noya nontato achinican-
 canarahuë.
¹⁵ Israiro'sa iráca Iquipitoquë
 ya'huëpi.
 Naporo tahuëri'saso', ipora
 huarë' nanontatë pochin
 nisapi.
 Ina quëran ocoiapo, inapitaso
 piyapinëhuëpita.
 Canta inapita Yosënënacó.
 Inapochachin a'na tahuërinta
 niantapon.
 Ya'huëpiso no'paquë chachin,
 oparoro'sa quëtaantarahuë.
 Acoro^a itopiso' motopiana,
 anishatarahuë.
 Inaquë sha'tohuachina, pa'pi
 notohuaro' nitërinso' maca-
 pona'.
 Napohuachina: 'Noya ya'huëá-
 parihua', tēcaponá'.
¹⁶ Naporoso', co huachi 'Paaro-
 nëhuë^b, itaponacohuë'.
 'So'yahuë', itaponaco huachi.
 Ca Sinioroco sha'huitaran-
 quëma'.
¹⁷ Iporaso' mamanshinëna nohui-
 tatona', Paaroro'sa itopi.
 Naporoso', co huachi maman-
 shiro'sa nininëna nohuitapi-
 huë'.
¹⁸ Naporo tahuëri'sa nanihuachin,
 israiro'sa catahuaca'huaso
 marë'
 tanan ma'sharo'sarë'co anoya-
 tarahuë.
 Inairaro'sa', ya'huano'sa', inapi-
 tarë'conta inapoarahuë.

Ama piyapinëhuëpita ma'sha
 onpotacaiso marëhuë'
 napoarahuë.
 Pë'chinan, sahuëni, inapitanta
 co huachi niahuëcaiso marë'
 Israiro no'paquë ohuaraponahuë'.
 Napohuachina piyapinëhuë-
 pitaso', sano ya'huëapona
 huachi," itërin.
¹⁹⁻²⁰ Ina quëran Sinioroso', piyapi-
 nënpita itaantapon:
 "Israiro'sanquëma'.
 Carima macatë pochin nitohua-
 tanquëma',
 co huachi onporo tëranta a'poa-
 ranquëmahuë'.
 Camaitërahuëso chachin sanapi
 mapachinara, hua'anënto-
 miatopi.
 Inapochachin carimanta hua'a-
 nëntomiataranquëma'.
 Ya'ipi cancänëhuë quëran noso-
 roranquëma ni'ton, napota-
 ranquëma'.
 Quëmapi sa'ináchin cancan-
 tërinso pochin carimanta
 nitaranquëma'.
 Naporo canpitanta', ca Sinio-
 roco ninahuëso' nitotapoma
 huachi," itërin.
²¹⁻²² Ina quëran Sinioro sha'huitaan-
 tatonco:
 "Naporo tahuëri'sa israiro'sa
 nontohuachinaco,
 a'naroáchin catahuararahuë.
 Inapita nohuitato 'Quisiri-
 ro' itarahuë.
 Quisirirosó', Yosë sha'tërinso'
 tapon naporin.
 Ca nohuanton Israiro no'paquë
 o'nanapon.

^a 2.15 Acoroso': Iprío nananquë "parisitopiso" tapon naporin. ^b 2.16 Paaronëhuë': Iprío nananquëso', hua'anëhuë tapon naporin.

Ca nohuanton sharo'santa
papotaton noyatapon.
Opa, oripo, inapitanta nitapona!
Piyapinëhuëpita pan, toma',
huino,
inapita ya'huëtacaiso marë'
napoarahuë.
Ca Sinioroco sha'huitaranquën.
²³ Naporo tahuëri'sa israiro'saso',
ya'huëpiso no'paquë chachin
ya'huëmiatapona'.
Inaquë acohuato, nóya ya'huëa-
pona'.
'No-roama' itato, co quë'yarë-
sohuë pochin nitopirahuë',
nosoromiatapo huachi.
'No-ami' itato, nisharo'sa
pochin nitopirahuë'.
'Canpitaso piyapinëhuëpitan-
quëma chachin,' itarahuë
huachi.
Inapitanta', 'Quëmaso Yosë-
nëhuëinquën,' itaponaco,"
itërinco.

Osiasë, sa'in maantarinso'

3 ¹ Ina quëran Sinioroso'
camaiantatonco:
"Paaton, sa'an chachin maanta-
quë'.



Inaso' a'porahuatënquën, a'na
quëmapirë' ya'huëárin.
Inapopirinhüë', naquëranchin
nosoroantaquë'.
Ina pochin caso Sinioroco
israiro'sa nosororahuë.
Inapitaso' mamanshiro'sa
moshatona',
cashin pano'sa inahua marë'
quëpi.
Ina quëran inapita mosharahua-
tona',
ina pano'saso' ca'pi.
Ina pano'saso', opa cayarinso
ayanirahuatona acotopi,"
itërinco.
² Napotohuachincora, natërahuë.
Sa'ahuëso', nani a'na quëmapiri
hua'anëntápirinhüë',
naquëranchin hua'anëntaanta'-
huaso marë'
cari ya'huëré pa'antarahuë.
Shonca a'natërápotë coriqui
prata quëran nininso',
nisahuaton cara pasa cara
shonca quiro sipata ina
marë' yo'nahuë.
³ Nani pa'anpatora: "Nani maan-
taranquën ni'ton,
hua'qui pëiquë ya'huaantapon.
Ama huachi a'na quëmapirë'-
quën po'quësohuë'.
Hua'quimiachin co ca tëranta
quëmaro'co nisarahuë,"
itërahuë.
⁴ Inapochachin israiro'santa',
hua'qui co copirnohuanhuë'
nicapona'.
Co ma'sha hua'an tëranta
ya'huëtaponahuë'.
Chinotacaiso marënta', co
ma'sha tëpaponahuë'.
Na'pira'huaro'sa Yosë nohuantë-
rinso' nitotacaiso marënta',

co huachi ya'huëaponhuë'.
 Co huachi a'naya tëranta corto
 hua'an ya'huëaponhuë'.
 Pëinënaquë mamanshiro'sa
 ya'huëtopisopitanta', capa
 nisarin.
⁵ Ina piquëran israiro'saso', Yosë
 chachin tahuërëtaantapona'.
 Naporahuaton a'nara Tapi
 copirno shiin, copirnonëna
 nisarin.
 Tahuëri yanitiquirahuachin,
 Sinioro noya nicatona',
 chinotapi.
 Inapotohuachina inarinta', noya
 nicaton catahuuantapon.

**Israiro'sa co noyahuë'
 nipiso marë' Siniorori
 sha'huirapirinsó'**

4 ¹⁻² Israiro'sanquëma'. Sinioro
 naporinsó natanco':
 "Iso no'paquë ya'huëpisopita
 pa'pi co noyahuë' nipi.
 Isëquëso', co no'tëquën ninoso-
 ropihuë'.
 Nisha nisha cancantopi.
 Caso Yosëco nipirahuë', co
 nohuitërinacohuë'.
 Nonpiáponaraihuë', 'Yoscoarë',
 niitopi.
 Apira apira nitëpapi, niihuapi,
 nitëhuananpitopi,
 pa'pi no'huitërayaro'sa nipi,
 napopi.
³ Napoaton ya'ipi Israiro
 no'paquë, sëtatona na'në-
 rápi.
 Caniorëso pochin co manta
 chinipihuë'.
 Tanan ma'sharo'sa quëran
 huarë' taquiapi.
 Inairaro'sa', marë samiro'sa',
 inapitanta inapopapi," tënin.

**Corto hua'ano'santa
 sha'huirapirinsó'**

⁴ Ina quëran Sinioro taantarín:
 "Ama canpita capiniso', nisha'-
 huirapitoma nipënëncoso-
 huë'.
 Corto hua'ano'sanquëmaráchin
 tëhuëncinso',
 co canirapichináchinhuë'
 ni'nanquëma'.
⁵ Canpitaso pa'pi co noyahuë'
 ninama ni'ton,
 ana'intaranquëma'.
 Tashi co quënantohuatërahuë'
 i'parëso pochin
 tahuëri nipirinhüë', co taparo-
 huanhuë' tëhuëarama'.
 Nonpi nanan pënëntona'piro'-
 santa canpita pochachin
 nisapi.
 Israiro nacionso', mamaparima
 pochin nipirinhüë', cari ata-
 huantarahüë.
⁶ Co nohuitërinacohuë' ni'ton,
 piyapinëhuëpita ata'huanta-
 rahuë.
 Canpita corto hua'ano'san-
 quëma tëhuërama ni'ton,
 napotarahüë.
 Canpita chachinta co nohuitëra-
 macohüë'.
 Naporahuaton co nohuantëra-
 mahuë' nohuitamacoso'.
 Napoaton canta', co corto
 hua'ano'sa pochin ni'nan-
 quëmahüë'.
 Pënëntërahuësona naniantë-
 rama ni'quëhuarë',
 canta canpita quëran pipipi-
 sopita catahuaca'huaso',
 naniantarahüë.
⁷ Na'con na'con corto hua'ano'sa
 ya'huëapon pochin

na'con na'con tēhuētērinaco.
Napoaton co huachi piyapi'sari
noya ni'sapihuē'.

Ma'sha onpotapi tēhuēnchinso'.

⁸ Piyapinēhuēpita oshahuanpa-
china inquita'huaso marē',
ma'sha quēshirinaco.

Ina quēran canpitanta capa-
toma',
aquētē huarē' oshahuanacaiso'
nohuantērama'.

⁹ Corto hua'ano'sa', topinan piya-
pi'sarē chachin
co noyahuē' nipiso marē' ana'in-
tarahuē'.

¹⁰ Ya'ipinquēma a'poramaco
ni'quēhuarē', ana'intaran-
quēma'.

Na'con capomarahuē', co natēa-
ramahuē'.

Na'con hui'nahuanamaso
nohuantopiramahuē'^c,
co hui'nahuanaramahuē',”
tēnin.

**Israiro'sa mamanshiráchin
cancantopiso'**

¹¹ Ina quēran Sinioro taantarín:
“Mamanshi marē' sacatopisopita
sanapi'sarē' po'pachinara,
co huachi no'tēquēn yonquipi-
huē'.

Huinonta pa'yatohuachinara,
inapochachin nipi.

¹² Piyapinēhuēpitaso', nara
mamanshiro'sa
ma'sha nitotacaiso marē'
natanpi.

Inapitaso nara quēran nipirina-
huē', 'mamanshi a'pairincoi,'
toconpi.

Mamanshi marē' sacatopisopita
sanapi'sarē' pocatona',
hua'yantērēso pochin nipi.

Inapoatona piyapinēhuēpitaso',
chihuērēso pochin nipi.

Monshihuanápaiso marē' Yosē-
nēnaco nipirahuē' a'porinaco.

¹³ Motopiro'sa', motopia'huaro'sa',
inapita hui'nimotēn'pa' ma'sha
tēparahuatona',
mamanshinēnapita moshapi.

Yonarin pochin nininsonta',
inapita marē' inaquē a'pēpi.

Panca ta'an nopri nararo'sa
tashinantērinsoanaquē,
aramoro'sa', insinaro'sa', inapita
nararo'sa

tashinantērinsoanaquēnta',
inapopi.

Naporama ni'ton, hui'nama
sanapi'sa nipisopitanta',
mamanshi marē' sacatopi.

Hui'namapita sa'inanta', so'ina
tēhuananpitoi.

¹⁴ Hui'nama sanapi'sa mamanshi-
ro'sa marē' sacatohuachina',
co napopiso marē' ana'intapo-
huē'.

Hui'namapita sa'inanta so'ina
tēhuananpitoihuachina',
co napopiso marē' ana'intapo-
huē'.

Canpitaora chachinta inanpi
sanapi'sarē'quēma po'nama'.

Ina sanapiro'sa mamanshi
moshahuachinara canpi-
tanta',

mamanshiro'sa marē' ma'sha
tēparahuatoma',
inapitarē'quēma napopináchin
moshapatērama'.

^c 4.10 *Hui'nahuanacaiso nohuantopiso'*: Na'a hui'nahuanacaiso marē', pē'tahuanēnapitanta na'acaiso marē', mamanshi nē'pērahuatona', ina marē' sacatērinso' sanapirē' osha nipi.

Inapoatoma co manta yonquipi-
sohuë pochin ninama'.

Naporama ni'ton, nitapiamaso
ya'huërin.

¹⁵ Israiro'sanquëmaso nisha nisha
cancantopiramahuë',
Cota huëntono'saso ama inapoa-
tona oshahuainasohuë'.

Ama huachi Quiricaro nina-
noquë pacosohuë'.

Co Piti-apin ninanoquë tëranta',
pantamaso ya'huërinhuë'.

Inaquëpitaso', mamanshiro'sa
marë'

inahuara nohuanton artaroro'sa
acopiso ya'huërin.

Naporahuaton nonpatamanta':
'Sinioro nanpiárin ni'ton, napor-
taranquën,' ama tocosohuë'.

¹⁶ Israiro'saso', iráca quëran
huarë' co yanatërinacohuë'.
No'huitëraya ohuaca pochin
niconpi.

Tëhuëenchachin caso Sinioroco
ni'to,

ina pochin piyapiro'saso', co
a'paiyapohuë'.

Noyápiachin pastoro'saquë
carniroa'huaro'sa a'pairëso
pochin yanitopirahuë',
jco onporonta inapota'huaso
ya'huërinhuë'!

¹⁷⁻¹⁸ Iprain israiro'saso a'porahuato-
naco,
mamanshiráchin moshapi.
No'pirahuëro'sa huënton notato-
piso pochin ya'ipi anotopi.
Naquëranchin naquëranchin
mamanshi marë' sacatopisopita
sanapi'sarë' po'pi.
Noya nicatona natëcaisoso', co
nohuantopihuë'.
Taparo nicacaiso tëhuëenchinso',
pa'ya pa'yatopi.

¹⁹ Napopisopitaso', panca ihuani
quëpatë pochin nitapon.
Napohuachinara,
mamanshi camayoro'sa nipiso
marë' tapanapona,' tënin.

**Israiro'sa Yosë a'popiso marë'
ana'intacaso ya'huërinso'**

5 ¹⁻²Naquëranchin Siniorori piya-
pinënpita itapon:

“Corto hua'ano'sanquëma',
ya'ipi Israiro hua'ano'san-
quëma',

copirnonta quëmopinënpitarë
chachin,

ya'ipinquëma natanco sha'hui-
chinquëma':

'Canpitaso piyapinëhuëpita
anishacancantërama ni'ton,

Mispa ninanoquë pëcotan
acoatë pochin ninama'.

Taporo motopiquënta huënson
acoatë pochin ninama'.

Sitin motopianaquëpita no'pa'
ihuarahuatoma',

pëcotan acoatë pochin ninama'.
Ina marë' ana'inta'huanquë-
maso ya'huërin,' tënhuë.

³ Iprain huënton israiro'santa',
nohuitërahuë.

Ya'ipi israiro'sa nohuitërahuë.
Iprain israiro'sanquëma'.

Canpitaso a'porahuatomaco
mamanshiráchin moshar-
rama'.

Ya'ipi israiro'sanquëmanta
oshahuanatoma',

a'moramasso tapiatë pochin
cancanëma tapirama',”
itërin.

⁴ Israiro'saso Yosë piyapinënpita
nipirinahuë', co noyahuë'
nisápi.

Napopisoari ya'copirin ni'ton,

- co ya'ipi cancanëna quëran ina chinotaantacaiso nanitopihuë'.
- Mamanshi marë' sacatopisopita sanapi'sarë' pocatona', co Sinioro noya nohuitacaiso' nanitopihuë'.
- ⁵ Inapoáponaraihuë': "Ma noyacha quiyaso' ninai paya," toconpi.
- Napopi ni'ton, na'inpíro nipi. I'pahuatëra ma'sha onporëso pochin,
- Iprain israiro'sa co noyahuë' nicatona', parisitacaiso' quënanapi.
- Inapitarë chachin Cota huënton israiro'santa', oshahuanápatona parisitacaiso' quënanapona'.
- ⁶ Ohuicanëna', ohuacanëna', inapita tëparahuatona', Sinioro chinotapona nipirinhuë', co quënanapihuë'.
- A'porin ni'ton, co quënanapihuë'.
- ⁷ Co Sinioro'fchin cancantatonaraihuë', mamanshiro'sa moshapiso marë' nishaquëya hua'hua mapiso pochin nipi.
- Napopiso marë' a'na yoquiya marëáchin no'panëna ata'huantapi.
- Cota huënton israiro'sa',
israiro'sarë chachin
Yosëri ana'intarinso'**
- ⁸ ¡Quipia ninanoquë quira pomon pihuico'!
- ¡Nama ninanoquënta', tronpita pihuico'!
- Piti-apin ninanoquëpita huëhuë-piro huë'sarinso sha'huico'.

- Mincamin huënton israiro'santa sha'huitohuatama', pa'yanënaquë nisha nisha yonquiapona'.
- ⁹ Israiro nacion huëntonënpitaquë,
- tëhuëenchachin napoarinsó sha'huitaranquëma'.
- Ana'intacaso tahuëri nanihua-chin,
- Iprain huënton no'panëna', ata'huantapona'.
- ¹⁰ Ina quëran Sinioro taantarin: "Cota huënton israiro'sa hua'anënpitanta', co noyahuë' nipi.
- No'pa' na'con na'con nohuantatona a'naquënsó', a'nipiso chi'huincapitarapi.
- Inapochachin inapitanta niconpi.
- Napopirinahuë', pa'pi no'huitato aparisitarahuë'.
- Paquiiri imotohuachina parisitopiso pochin nitarahuë'.
- ¹¹ Iprain huënton israiro'saso', inimiconënpitari aparisitápi.
- Inapotápi ni'ton, co huachi chiníquën cancantopihuë'.
- Mamanshiráchin cancantopiso', co a'popihuë' ni'ton, inapotápi.
- ¹² Napopiso marë' carinta ana'intato,
- nara no'soni pë'yarinsó pochin israiro'sa hua'anëntopiso', ata'huantarahuë'.
- A'shini në'mëtë pë'yarinsó pochin
- Cota huënton israiro'santa hua'anëntopiso', inapotarahuë'.
- ¹³ Israiro'sa pa'pi cania'pi pochin acorahuëso' nini'sapi.
- Cota huënton israiro'santa', apipiso pochin nipiso', nini'sapi.

Napohuachina inapitaso', Asiria
copirnor
catahuacaso marë' pahuapona'.
Inaso', chiniquën nanantopirinhue',
caniopiso pochin nipiso' co
anoyatarinhue'.
Apipiso pochin nipisonta', co
anoyatarinhue'.

¹⁴ Pa'pini', niirahuaton mapintë-
rinso pochin
israiro'sa', Cota huënton israi-
ro'sa', inapita nitarahuë.
Cari chachin pa'sa pa'satërëso
pochin aparistarahuë.
Inapotahuato patarahuë.
Quëpatë pochin nipatonta',
co insonta osërëtiincoso' nanita-
rinhuë'.

¹⁵ Ina quëran hua'quimiachin
tananpitarahuë:
'Oshahuanëhua ni'ton, Sinioro
po'tërinpoa',
ta'caihuarë' catahuaantarahuë.
Parisitataona co napion cancan-
tohuachina',
oshanëna inquita'huaso marë'
yoníponaco," ténin.

**Sinioro chachin
chinotaantacaiso yonquipiso'**

6 ¹⁻³ Canpitaso israiro'sanquëma
naporama':
"Huëco ya'ipinpoa Sinioro
chachin chinotaanta'ahua'.
Chiniquën ana'intopirinhuahe',
nontohuatëhua anoyataanta-
rinpoa'.
Apisáchin pochin acopirinhuahe',
inachachin nonëantarinhua'.
Noya chinotohuatëhua', a'naró-
chin anoyatarinhua'.
Ananpitaantarinhua'aso pochin
catahuarinhua' ni'ton, noya
ni'sarinpoa'.

Chiniquën cancantatëhua
Sinioro nohuitahua'.
Inapohuatëhua', Siniorosoa'
huëcapaiantarinhua'.
Nani tahuëri pi'i pipirinhua' pochin,
o'nápiquë no'pa' caniororinhua'
pochin huëcapaiantarinhua'-
poa'," tënama'.

**Siniorori israiro'sa
no'tëquën patëntërinso'**

⁴ Napopiramahuë Siniorosoa':
"Iprain huënton
israiro'sanquëma',
Cota huënton israiro'sanquëma',
¿Ma'cha onpotatënhua'
anoyachinquëma nicaya?
Canpita nosororamacoso', co
hua'quiarinhua'.
Tashiramiachin chitoro i'copi-
huachina, co hua'quirinhua'.
Poroncayonta shipihuanpa-
china, a'naróchin yanirin.
Inapita napopiso pochin nosoro-
ramacoso' nisarin.

⁵ Napoaton pënëntona'piro'sa
quëran
pa'sa pa'satërëso pochin nitë-
ranquëma'.
Sha'huitopiranhuahe' co
natëramacohue' ni'ton,
tëpatë pochin nitëranquëma'.
O'cori huënsha', ta'sochachin
huira ahuetërin.
Inapochachin carimanta ana'in-
tohuatënhua',
co oshataponquëmahue'.
⁶ Chinotatomaco ma'sha tēpa-
maso',
co onpopinchin nohuantërahue'.
Nosoroamacoso' tēhuënhua',
na'con na'con nohuantërahue'.
Oshanëma marënta ma'sha
tëparahuatoma

ya'ipi ahuiquitamaso', co onpo-
pinchin nohuantërahuë'.
'Inaso' Yosë ni'ton, natëa'huaiso
ya'huërin,'
ta'camaso na'con na'con
nohuantërahuë," itërin-
quëma'.

**Piyapinënpita Yosëri
nosororinso'**

11 ¹ Sinioro naporin:
"Israiro nacion ipora cania-
ritapon, hua'huishin
pochin ninin.

Naporo chachin cariso hui'nahuë
pochin nicato, nosororahuë.
Iquipitoquë yacapatopirinhuë',
ina quëran pipicaso marë' hui'-
nahuë përarahuë.

² Israiro'saso na'aro përápirahuë',
na'con na'con aquënanpirinaco.
Inapitaso' piyapinënhuëpita nipi-
rinahuë',
mamanshi moshacaiso marë'
ma'sha tëpapi.

Yonarin pochin nininsonta a'pë-
rahuatona moshapi.

³⁻⁵ Napopirinahuë',
cari chachin israiro'sa ira a'no-
tërëso pochin nitërahuë.
Hua'huaro'sa iratacaso marë'
a'chintërëso pochin nitë-
rahuë.

Sanapi hua'huin nosoroaton
pa'poyarin, nocomarin,
napotërin.

Inapochachin carinta nitopirahuë',
co tahuëretatonacohuë', a'porinaco.
Napopiso marë' Iquipitoquë
chachin pa'mantapona'.

Naporahuaton asiriario'sari
hua'anëntapon.

⁶ Ninanonënapitaquënta', inimicoro'-
sari ya'contatona ahuëapona'.

Noyá niacorapipirinahuë', ata'-
huantapona'.
Ma'pitaso nicacaiso' yonquipiri-
nahuë',
inari na'intarin ta'huantapona'.
⁷ Piyapinënhuëpitaso', co yatahuë-
rëtërinacohuë':

'Yosëso chini chiníquën nanan-
tërin,' taponaraihuë',
co tëhuëinchachin të'huatërinacohuë'.

⁸ Canpitaso israiro'sanquëma'.
No'huípiro mini nipiramahuë',
¡Co nanitërahuë a'pomiatá-
huanquëmaso'!

Atoma, Sipoin, inapita ninanoro'-
saso',
co noyahuë' nipiso marë' iráca
ata'huantërahuë.

Inapita pochachin ata'huantá-
huanquëmaso',
¡co'chi nanitarahuë paya!
¡Nosorochináchin cancantëran-
quëma'!

⁹ Pa'pi no'huitopirahuë mini,
ahuantarahuë.

Inapoato co ata'huantantapon-
quëmahuë'.

Caso Yosëco. Co piyapicohuë'.
Noyasáchin nicato canpita
huáncana nisarahuë.

Co ata'huantá'huanquëmaso
marëhuë', o'marahuë," tënin.

**Israiro'sa Yosëri
ata'huantacaso yonquirinso'**

13 ⁴ Sinioro naporin:
"Iquipitoquë ya'huërama
quëran huarë',
casáchin Sinioroco ni'to, Yosë-
nëmaco.

Co a'na ca pochin chinotamaso
ya'huërinhuë'.

Carinquëmáchin nicha'ëran-
quëma'.

- ⁵ Inotëro parti huëcasënuëma',
a'pairanquëma'.
Inaquëso pa'pi chiniquën pi'i
pi'catopirinhüë', a'pairan-
quëma'.
- ⁶ Napoaponahuë', na'con na'con
cosharohuanahuatoma',
nocantochináchin cancantë-
rama'.
Inapomatoma naniantëramaco.
- ⁷ Naporamaso marë'
pa'pini' yamapintërinso pochin
pashita'paponquëma'.
Yarani', iraquë ninatërinso
pochin nitaranquëma'.
- ⁸⁻⁹ Tocani' hua'huinpita ayataton
paaso piyapi quënanpachina,
tëparin.
Inapotahuaton ninopinën pa'sa
pa'satërin.
Inapochachin carinquëmanta',
nitaranquëma'.
Pa'pininta mapintohuachina,
mapinën inaranchin pë'yarinso
pochin nitaranquëma'.
Maton ma'shanta', mapinën
pa'sa pa'satërin.
Inapochachin carinquëmanta',
israiro'sanquëma' ata'huantaran-
quëma'.
Co insonta pa'poyaponquëmahuë'.
- ¹⁰ ¡Co Copirnonëma tëranta ya'ipi
ninanonëmaquë nicha'ësa-
rinquëmahuë'!
¡Co hua'ano'sanëma tëranta
napoarinhüë'!
Inapita mini iráca nohuanta-
toma':
'Copirno, hua'ano'sa', inapita
acotocoi,' tënama'.
- ¹¹ No'huitonëhuëquë copirnoros'a
acotëranquëma'.
No'huitonëhuëquë chachin
osëretëranquëma'.
- ¹² Ya'ipi co noyahuë' ninamasopita
quiricaquë nani ninshitërahuë.
Ya'ipi oshanëma nani ninshitë-
rahuë.
- ¹³ Canpitaso', co yonquipisohüë
pochin ninama'.
Hua'huasha yahua'huatahua-
china noya niacorin.
Canpitaso nipirinhüë' apia'-
huaya pochin nicatoma',
co noya niacorinsohüë pochin
ninama'.
- ¹⁴ ¡Co carima po'oro' quëran
nicha'ësarinquëmahuë'!
¡Piyapinëhuëpita nipiramahuë',
co huachi nosoroaponquë-
mahuë'!
Napoaton chimirin përato:
'Chimirin. Quëmaso' ata'huan-
tona'pinquën.
¿Intohuata iporaso' inapoyantë-
ranso?'' itërahuë.
Po'oronta nontato:
'Po'oro'. Quëmanta' naní quëran
të'huachantërinën.
¿Intohuacha iporaso' t'ë'hua-
chantërinënso?'' itërahuë.
- ¹⁵ Israiro'sa noya ya'huëantapiri-
nahuë tëranta',
cari chachin ata'huantaantapo.
Pi'i pipirinso parti quëran ihuan
huëcaton
huinano'sa ayanipon.
Nitapacaiso marë' pa'ton ninin-
sopita tapapiso',
inimiconënapitari matapon.
- ¹⁶ Samariaquë ya'huëpisopita cari
ata'huantarahuë.
Co natërinacohüë ni'ton,
sahuëni quëran tëpapon'a'.
Hua'huaro'sa masahuatona',
no'pa' huihuira'pia-pona'.
Cayorono'santa', nichatëra'pia-
pona','' tënin.

Yosë chachin tahuërëtaantacaiso
marë' Osiasëri israiro'sa pënëninso'

14 ¹⁻²Israiro'sanpoa'. Sinioroso
Yosënënpoa ni'ton,
ina chachin tahuërëtaanta'ahua'.
Na'con oshahuanëhua ni'ton,
Yosë a'porëhua'.
Inapopirëhuahuë', huëco naquëran-
chin Sinioro chinotaanta'ahua'.
Ina nontatëhua': "Ya'ipi co
noyahuë' ninaiso' inquitocoi.
Ina quëran chinotohuatëinquën,
noya ni'coi.
³Asiriario'sa co nicha'ësarincoihuë'.
Co cahuarioro'saquë ta'atoi
cha'ëpoi huë'.
Quiyaora mamanshi nicatoi
'yosënhuëi,' itopiraihuë',
co huachi ina pochin nohuita-
poi huë'.
Quëmaso' Sinioro, sa'ahuaro'sa
nosororan.
Quëmasáchin chinotarainquën,"
itahua'.

**Israiro'sa noya acoantacaso'
Siniorori sha'huitërinso'**

⁴Sinioro naporin:
"Israiro'saso', co natantochiná-
chinhuë' cancantopirinahuë'
catahuahuato, co huachi ina
pochin cancantaponahuë'.
Co quë'yápirohuë nipirinahuë',
nosoroarahuë.
No'huitërahuëso' sanoato, napo-
tarahuë.
⁵Israiro'sa catahuato, poroncayo
pochin nisarahuë.
Inapitanta nirio yanco huësoa-
tërinso pochin nitaparapi.
Nara chiníquën itëhuanpachina,
Nipano motopi pochin
chinirin.

Ina nara pochin israiro'santa
nisapi.

⁶Së'paquënpita quëran panca
ta'antapon.
Oripo së'paro'sa pochin noyá-
piachin ya'noyon.
Nipano motopiro'saquë
nonararo'sa pimoaninso pochin
nicapona'.
⁷Naporo' israiro'saso', noya
a'paiantarahuë.
Trico a'naroáchin so'sorinso
pochin nicapona'.
Opa yancotërinso pochin nica-
tona', noya ya'huëantapona'.
Nipano parti huino nipiso',
nahuinin.
Ina pochin inapitanta nahuina-
pona'.
⁸'Co huachi mamanshiro'sa
pa'yatëraihuë', tëcapona'.
Cari chachin inapita a'paiapo.
Nontohuachinaco, cata-
huapo.
Pino nara yaramëtárinso pochin
nicato,
piyapínëhuëpita cosharonëna',
co ichipahuantapohuë',"
tënin.

**Tiquiapon pochin Osiasë
pënëntërinso'**

⁹Yonquínahuan ni'toma', niyá-
tainpichin ya'huëhuatama',
isoíchin sha'huitaranquëmaso'
yonquico':
"Onpopinsona nanpicaso'
Sinioro pënëninpoa'.
Inaso', no'tëquënáchin pënën-
tërin.
Noya nipisopitaso', ina natëpi.
Co noyahuë' nipisopitaso nipi-
rinhuë', co ina natëpihuë'
tënahuë'," tënin Osiasë.